

四庫全書

集部

欽定四庫全書

皇甫少玄集卷五

明 皇甫濬 撰

燕會

傾金壘歌

吳王城裏花如錦
東風吹愁復愁甚
花間莫遣空金壘
臨流折花勸君飲
勸君飲君勿辭月
光花影常相隨何
為失足太行道
坐令齷齪愁雙眉
桐陰未落秋風起
夕

陽慘澹東流水浩歌荷鋪蒲
春古來痛飲真難比君
不見百花洲上空蒿萊
城鴉暮雨江聲哀碧山江頭更
今古麋鹿又繞姑蘇臺
白楊蒼苔幾人在清歌妙舞何
時開不如攀花對明月與君夜夜傾金壘

高杜諸君同集

曲徑雲深處幽窗雨過時
村墟隨地僻花鳥怨春遲
綠酒追朋好青山隔夢思
開襟對公子高興戀佳期

周君弼過集

北來冰雪廣陵船
驄馬逢君暫酒筵
即喜冠裳重會面
祇傷岐路易催年
一庭蛩響秋聲夜
萬里霜華塞上天
擬盡清尊都不惜
浮生牽率共風煙

朝天宮李真人房宴集二首

沙色凝和日鳴珂
晚霽開松穿紅徑
入芝繞碧欄迴洞
室涼衣袂雲霞泛
酒杯吹笙下羣鶴
香霧散瑤臺

其二

琳館秋光澹來看
絳節朝靈花搖晚
砌仙樂送林颺道

性怡魚鳥塵襟淨
泐瀟皇居明片月佳氣拂叢霄

不覲周子五六日
輒相思夜過命酒殊慰作

春花盡方綻春光向闌花月不相待
聿此興思端別友豈盈旬闊若芳歲殫
中宵忽我顧壺酒良足歡誰滋九華艷
坐失綠綺寒幸及春未暮相期共游盤

秋宵宴會與周山人以言

嘉賓眷清夜相與娛思憂憂思沈中曲
一別屆徂秋顧念處世間快意焉可求
別易會獨難世短歲復邁促襟

展謔浪感此極歡遊明月懸中天芳華隨觴流妙歌激
雲漢為樂四座周抒情告君子太康毋我尤

秋燕詩五首

其一十三夜望月

歡襟佇瑤賞永除迥風臺絲睇雲之表側遲纖輪來露
輝染霧縠舞者立徘徊玄兎雖閔彩流藻盪芳埃玉華
坐成緬金尊空復開長盈戢景曜遐觀思悠哉

其二十四夜微月

廣庭淨霄色良夜悅流飭况對巢箕人同懷發幽讚散
步林暝交微星吐華粲彼美雲中魄徐駕升清漢玉彩
含霜來金霏隨風散繁絃起兩階孰知我心亂

其三十五夜月

與子良宴會歡娛值茲夕延首瞰絳河素舒將焉適昌
暉曠重雲餘光幸鑒席漏彩絳翹瓊流輝函缸壁客意
方厭厭愁隨華醺釋美人婉清揚跂予萬里隔

其四十六夜月

明月有常玩圓景亦不易三五昨已邁人生良如寄興
雲結長霄清暉何由被弦望相推移賞心邈難嗣即事
可逸生取樂在適意綴我巴人響歌之聊代匱

其五十七夜月

清風歷網戶皓氣流中庭佳期殊惠來金波耀華星諒
知蟾兔缺髣髴素娥形為樂貴及時百年詎我齡放歌
目馳藻結思凌高冥且念叅酒德萬物如浮萍

郡公海邑行臺夜燕

惟昔忝嘉命，儷步雲龍賓。從容崇蘭省，劒珮鮮芳春。
翻飛未云已，委翮隨風塵。予放大河汭，爾還湘江濱。
沅芷豈不茂，采之竟何因。王猷眷符守，騰搖歛來臻。
樂我桑梓化，絃聽懷清淳。觀民戾雲海，塞帷眺溟津。
政和信多暇，展讌平生親。華星泛淪漣，悲歌激潛鱗。
君子隆直道，令名日以新。嗟予抱沉憂，慷慨終焉陳。

子循至都

平原極目愁雲滿，羈客此時腸欲斷。
寄遠空題塞北書。

含情屢奏江南管爾返金門鴈正飛還從闕下偶驂駢
眼前世事不可道且共酣歌醉落暉

王子維楨道蘇喜晤

爾向閩山曲余尋衛水源投荒情共迫去國恨空存旌
節胡然駐心期更此論江湖瞻魏闕猶自暗銷魂

虞山逢故人陸子舟泛

海縣逢幽客清溪共此觴坐依筠日澹吟望島雲長洞
闕紅霞落堤暄翠羽翔桃源舊相失杜若幾回芳

夏日寓廣平章成安觴于南壇移席泛舟

繡陌轉彤垣珠臯對綺樽
眷芳臨藻宇延賞命輕軒
林密雲滋靄風清晝不暄
壇虛流漢影川麗隱花源
棹舉滄波逸帷張落照繁
君王憶洹水上客想平原
沸浪歌絃合凌霞舞袖翻
賦詩酬勝槩擷管愧璵璠

章丘李生隨父之越中過謁

之子來吳會隨雲指越丘
相過故人意翻動索居愁
林鳥鳴催暮江霞思入秋
情遷係深感為我暫停舟

十九夜雨子約卷燈之宴

雨館隱芳菲
宵寒藻焰微
似憐辭盡棟
猶自照羅衣
把酒節方過
驚心春易歸
厭厭永茲夕
不醉為餘輝

許子子春水部北上過訪

南林閉關者
自愛少逢迎
忽枉雲龍駕
暫依蘿薜情
相歡對尊酒
不用論平生
且念朝青閣
宦途多晚成

醉後歌

黃生携酒見過
追憶勉之併贈周陸二子

文彊好我携客俱二子況是高陽徒北窻桐陰已滿地
幾日不醉黃公壚西山入簷恍蕭瑟清雲擁座炎暉無
為爾青眼復舒嘯有懷浩曠凌長湖當筵賞會意未已
翩翩汝曹氣相似夙昔自許求羊期後來勿替荀袁美
酒闌樂罷哀有由令我感激悲藏舟五嶽煙霞時縹緲
可憐玉樹埋荒丘相看一生盡垂白已覺萬事隨東流
早晚罷官泛滄海從我者誰陸與周間呼二子日相見
且與痛飲銷煩憂

夏夕雨後命酌同周子伯氏叔氏得頭字

暝陰淨窓竹池上雨初收坐覺寒泉瑩仍憐芳杜幽故人與斟酌清夜愛淹留應附三何躡雲門可白頭

夏日過舊居亭子

小亭逃暑過園徑夕陰開池靜閒雲覆風清幽鳥來自多濠濮意虛負洛陽才惆悵東軒月猶看照酒杯

集談氏園亭

幽興偕仙步名園集綺辰檀欒題賦客巾拂舞花人落

日臨池好行雲繞座新黃昏催秉燭更盡畫堂春

燈夕遇周子時予將北征席上作

不見忽三月相逢驚早春梅花催送客柳色更愁人舞
屬華觴急燈迎甲夜新追歡各自勉少壯豈吾身

春日金元伯見過二首

當時好文客頻過旅人居及此歸來日翻憐會面疎花
前茲夕醉湖上隔年書意氣君休問嗟今已不如

其二

有客乘舟至方予屣履迎園林春自入門徑晚初成藹
藹暮鐘動悠悠江月生鹿車花畔酒還共爾心傾

郡守招飲大雲菴同用春字

愛爾符竹暇悠然江海人還如永嘉日復似敬亭春鹿
岸鐘聲近雲門杯酒新贈言陳仲舉畱榻待情親

南還過致甫齋中

閒門翳林徑信是蔣生居呼酒何知客論文獨啓予開
軒娛景夕延月照襟虛直覺縑磷久彌傷行役餘

竹堂

香積藏深竹雲寒鐘磬微踏花迷雨徑入鳥到林扉真
想行猶在浮踪悵屢違來茲耽寂樂清夜坐忘歸

過莊道士登紫霄峯對月

夜訊靈峯隱言追羽士歡洞林雲處合風露苑邊殘縹
緲星初散蓬萊月正寒不知人世裏思欲命飛鸞

雪夕醉歌別兄弟兼贈周山人

昔與兄弟別暮春溝水頭上林花飛不相待青門柳色

偏含愁遙過京口滄江路抒情漫屬歸田賦谷口蘭枝
芳幾叢窻前棣萼開無數東峙西流不可期感此歡離
復悲聚良知周子求羊儔十年再得論中素高眠未厭
支峰雲客心已亂維楊樹蹉跎世網苦自嬰氛氲別日
誰能度江城携手得幾時我今暫與雲山辭懿親開筵
日飲餞故人戀戀車行遲燕吳氣候迥相似二月雪點
黃金卮長安何在天北垂側身長望涕流離驛樓新柳
煙正滋夢中碧草盈前池繁絃急管滿座悲心若禁絲

豈能治奔走一官衆所唾獨馬飛塵空老為羨君不出
東岡陂

飲寄寄亭贈張地官

放舟山陽道夕逗清江湄相逢蘭省彥如攀瓊樹枝引
徑竹方翳升堂霧稍披解袂醉古亭傾蓋欣良知出雲
本無心遥去北山垂對此感浮寄欲別情彌滋落日遡
淮水盈盈牽所思

集張水部安平祠亭

眷此他鄉晤開尊慰旅遊如何苦奔峭還得狎林丘水
部嘉文藻山亭藹獻酬烏忘移席下樹戀息陰留維嶽
瞻斯在清風挹未休朝宗欣有託河濟正安流

雨夜孔文谷見過

浪迹寡吾與逢君慰所思升堂慚座客入室羨文辭木
葉城秋後窻燈夜雨時敦交值茲晤寧止樂新知

越城晤王戶部維禎三首

幾發金陵江水湄西看江樹悵然悲傾尊不解離人恨

此日相逢異昔時

其二

雪殘湖上淨寒氛斜日天南鴈數羣
失路更為吳會客
共嗟身是一浮雲

其三

年少曾為台嶺遊却辭金鼎事王侯
憐君不跨飛梁去
目斷仙源無限愁

昭慶寺翠筠禪房同孔學憲

城樓隔深竹龍象宛湖隄况復蒼蹊暮閒聞幽鳥啼情
知多惠好靈境數招携惆悵寒山路雲關處處迷

集竹堂僧舍暮歸

偶來竹林寺愛爾棲心幽盡日松雲度閒扉溪水流永
耽石室卧誰羨玉京遊戀此復歸去看烟多暝愁

皇甫少玄集卷五

欽定四庫全書

皇甫少玄集卷六

明 皇甫湜 撰

燕會

過許子春飲錢朱二子並至

良辰肅予駕行行造友廬會面欣夙昔英賢豈時虛隆
義薄言歎披襟情則輸命酌忘景夕揮尊但無餘旨蓄
賤八珍中筵貴雙魚懿予值二子並宴此城隅孰云匪

密親情好與之俱發篇溫以則幽念靡不愉矢言在無
忘茲樂不可如

過昆侖有作

徂節啟陽煦策馬聊行遊玄思先民軌從之戾園邱依
仁竊所奉鑑跡表相謀斯心惻遺賢局步曷能由豈惟
善文藝惟日覲德休越哉尚牽世芳酌不遑流踰江懼
特操何以喻吾憂翳翳岑表月微輝東南流跂予建德
邑需子為輕舟

雪夜醉後歌

憶昨倉皇暮途別我行遙阻黃河雪長安一卧歲復盡
朔雪滿地無過轍開扉立視默惆悵北風吹人意不悅
寒予幾逐漁父老回首思之豈堪說只今留滯終安歸
敢與多士論光輝苦寒亟謀良夜飲二子知我平生希
錢君隱迹滄海頭向來調笑公與侯文雅如包更年少
華亭鶴唳聞清秋攀龍升雲一朝事成功報主何所憂
公車履敝志自得軒冕於我如雲浮明堂本非一木構

百川萬壑皆東流至人乘物自無我世上磊落誰其儔
忘形呼酒共深酌寒條颼颼氣淒索雲天乍疑萬井曙
雪色近繞蓬萊閣酒闌攜手瀉我心遇友開襟且為樂
生來不買孝廉名樽裏能忘步兵兵託眼前聚散即可料
故園梅開幾枝落歌成一為智者言孤鴻自此翔寥廓

許子酒後放歌行

淒風謖謖寒氣多歲云逝矣憂如何委羽何由見白日
吹律未足回陽和從來䟽理只能暑幾日僵卧無經過

東曹許子呼我飲喜踏積雪迴銀河開堂一笑暮愁釋
相顧皆稱永今夕燭前莫遣杯行遲生逢四美尤堪惜
嘉招况值雲龍會吾衰亦謝山林客諸君濟濟匡世姿
強將腹毳隨風翻酒闌披豁意更遠天街如霜月華白
移尊飲滿臨當分聽我狂歌歌所適古今賢達知幾人
苟不達命終何益君不見黃金臺上月如鉤荒臺沒盡
月仍留千金買賢不買駿下齊七十誰英流孰知人事
一朝變向來誼合真可羞入江不化等閒事河上之恨

長悠悠又不見荆卿報恩西入秦當時意氣傍無人酒
酣上道髮上指咸陽宮闕揚灰塵嗟哉倚柱竟不就身
摧志辱為世嗔樓行偏袒盡誰為但有易水流千春申
我歌進君酒我心如雲爾知不明朝縱使得失異焉能
為之成疾首

雨中陸子飲話不寐

憐君千里外然諾重黃金僕馬追游苦風塵感慨深清
燈孤坐久細雨別愁侵耿耿何由寐晨鐘達我心

雨飲朝天宮王鍊師房

客有青霞訪花藏帝境源油雲合並馬過雨及留尊密
館涼頻入重林翠自繁從茲滌塵慮數欲問玄言

六月廿二日偕同年楊巖劉包四君赴錢君汝

載飲漫賦短句

羊曼曾真率君心實可方招邀群彥集燕笑旅情忘潔
宇沉宵謚華星覆院涼明朝有離合那惜盡餘觴

七夕同二錢浦劉四君集包君元達寓

屢晤矜朋好今乘令節過况逢嘉月吐似向客尊多回首仍蕭寂忘形暫薜蘿未須故園意無限抱明河

對月陸子共酌

復對長安月金風尚未闌病襟孤自照旅盞一為懽故傍滄江遠常臨紫塞寒團圓亦不易誰惜夜深看

同許子春林熙載朱時言包元達集錢汝載寓
分韻得四支

月下留驂意霜輝到酒遲聚星人世少此夜客情滋素

髮安仁賦黃花元亮辭江山待雄藻汨沒任吾之

同錢浦白包呂五君集錢執夫寓

客裏清宵會悲秋心事同忘形有吾輩握手意無窮雨
色生殘樹邊聲度早鴻不須投轄飲自使綠尊空

月夜集同年楊啟潛寓

暝色高筵接鄉愁暫一空驂停水葉下醴汎月華中仙
侶慚予並佳期惜此同雲陰莫遽上欲眺鳳闌東

同年謝子過訪留酌

暫駐高軒笑語聞
旅庭幽寂下斜曛
二毛今日欣逢主
五載同游得並君
暗起花神銷苑月
徐開樹影濕宮雲
情來忽已看陳跡
何惜餘杯入夜分

秋日攜酌同粟子過少岱子寓率就短章

晚日追尋梵宇偏
客中攜饌媿蕭然
頻傷會面丹陽宰
近喜同心上黨賢
把盞莫看風葉下
閒襟真傍露華鮮
晉山吳水行俱遠
長笛何由到別筵

同浦包二子集沈子舜臣寓時沈恤刑輔郡還

嘗為予致音予四人實偕秋薦也

及時霄漢下恩波漢甸芳菲擁傳過江上素書今到少
月中仙侶並情多星文北極胡為爾烽火西關近若何
酒罷聽雞渾不寢憑軒眺望一高歌

昆侖山人西行歸集

躡履迎賓情太紛花天看鴈仍思君驅馬逢多北門雪
開尊笑共西山雲狂歌落日且未已憶昨壯遊殊不群
華嶽諸仙杳誰待時瞻鶴駕空氤氲

昆侖欲登
華山不果

諸戊子同年讌集程氏

明德崇休紀文思光寓縣河清表靈奧七祀熙風荐徵
辰恢舉孝既登越裳獻經揆渥神人聲明欵慈禧矯迹
翼華朝隆軌孚英選新都啟丹穴鳴飛戾清漢薄質久
湮淪謬齊排雲翰虛乏予所安寅恭爾先宦不悞值後
塗時亦叨芳薦存故激人衷懿歎申娛讌繁肴充綺席
照灼蘭膏粲迴星錯幽曙酌醴方無算敦義良在心中
飲彌歡歎頽姿不克妍仰懼辱明鑒策足非妍期申章

聊可見

上元夜對酒

早春逢麗節况復在瑤京
永夜惟看月空庭亦自明
繁華時屢改留滯蹇何成
徒對芳尊酒彌深往歲情

逢徐汝佩

相逢汶水道同愧洛陽才
回首無窮事春風幾度哀
浮雲鄉國杳流火暮天催
自顧空簪紱君還滯草萊

同汝玉集時言寓

言值含香暇行追秉燭歡同懷情不間四序景方殘峻
闕凝雲夜平沙度雪寒芳菲瀉花醞寥廓倚星欄閒有
杜欽好愁無平子寬故園梅柳發何計覓歸鞍

元夕同張昆侖朱時言集吳純叔玄寧觀寓玩
珠蓮燈分韻得蓮字

太液誰分七采蓮珠輝藻繡照歌筵懸來錯落河星爛
散入繽紛月露圓地接雲霄爭麗色人逢鸞鶴共韶年
此時琳館題詩別他日金花賜對旋

余與民則別脩踐三載茲甲午初夏民則來遊

京師過寓命酒道故用述短律二首

門有車馬客來經道路賒開樽延桂月解榻對榴花池
風時泛爽城陰屢作霞悵然惟疇昔會面重驚嗟

其二

香街披上苑客館面層城綢繆永今夕陳說盡平生花
迎舞燕落藻逐戲魚輕相看韶景暮春此故人情

夜宴孫君林亭

偶乘滄洲棹來尋谷口扉故人隱松菊邀我坐芳菲曲
度山月落情搖海雲飛君雖卧秋壑無夜不春暉

季氏亭燕對菊

季也黃花酌依然故里歡留芳度冬序遲候賞秋殘細
艷雲藏暖踈陰月到寒傷心倦歸者容易兩年看

十四夜偕我兄弟友人陳周二君閒步園中戲
乘小舟聊述紀興

吳閭繁華地上元佳麗節燈火連萬家遊騎紛填噓吾

曹抱憂痼蓬徑寂無轍靜夜乘幽興步趾蕩煩懣棣華
自暎蔚因之心則說况值嚶鳴友清尊幸不缺塵遠芳
林虛月近寒塘潔齊發采菱謳試鼓滄洲柁忘形展戲
譚憑以慰羈紲予本邱壑人安能久朝列反憇愜幽棲
稍稍塵累絕澤蘭自茲佩園柳忽堪折娛性得其真養
素良為拙誰今日縈思頭顱坐如雪

子約亭會

塵遠亭居寂林開霽色微水迴蒼竹逕山對綠雲扉梅

影清臨坐蘭香暗襲衣風光自可悅花萼復相輝

來鳳亭集

中林一延賞小苑足風花高響流清籟長陰覆綠華水
檻琴心靜山扉雲望賒竹氛含早露鳥影曳殘霞會可
娛芳夜無愁繫日斜

懷子新東溪舊隱早春同宿舟中作

膺仕吾遊倦登年爾望踈歸情同信宿往事獨躊躇柳
外寒烟薄江邊晚照虛東溪考槃處不到十年餘

秋曙山行訪顧叟

烟蘿入迢遞湖岸涵空明
攜策問幽事懷人滋隱情
滿林秋雨散一徑曙霞平
就此樓居者雲霄逸我生

秋日自虎橋移舟訪朱子羽山居

春辭五馬到雲莊頭白知君舊
省郎二始風流誰得似
四愁心事耿難忘歸來獨卧青山遠
不盡懷人秋水長
悵望桃源遊未遂迢迢孤月限河梁

夜訪程士希舟中

清風動幽夜坐愛滿溪雲明月期何處虛舟宜對君淺
流茲夕見歸鶴幾年聞玉室如相訪煩書及右軍

王維楨見過

之子趨朝罷總轡驚華天官河方隱曙沙柳尚餘烟執
手申情款蓄意兩俱宜高文既已富妙辯一何妍朝霞
未足綺秋氣聊共鮮雲日鸞臺麗酌酒命新篇清風迎
條舉文波逐藻圓解爾崇蘭佩馥我幽桂筵

皇甫少玄集卷六

欽定四庫全書

皇甫少玄集卷七

明 皇甫湊 撰

詠懷

雜詩

凝霞晦朱陽繁雲結玄陰有渰興崇朝淫溢遂成霖
諒微箕畢期傾潤自相尋冥霧縈綠池悲風激丹岑
涌雷交簷曲浮苔冒水潯惟彼倦遊客感此物序侵
慕類興

長懷含思寄微吟

辛巳七月五上海道中陳可與言予髯上有

白髮一莖颯然有感

指點看蓬髯頻經日月流一莖那有此萬慮恐長休水
國清霜道楓江明水樓蕭蕭對潘賦霜海送高秋

羈懷

撫跡滯翳塗凝志在幽谷臨津惑淵抱懷山謝雲躅驚
節感人情登臺漫余目芊綿樹雜映差池鳥相逐故鄉

邈以夏離思斷還續采采堦前蕙何由盈一掬

生朝述懷

修名悵未立悲辰嗟屢適眺榭感徂川芳華逝不留淒
露洒臯蘭颯颯天氣秋析析葉去榦翻翻鳥赴儔密雨
垂簷駛迴風繞隙流臨此傷年髮曾是戀愚猷且當投
紱去桂樹山之幽

代古

朗水升東隅流輝照苦顏愁思撫清夜房櫳淒以閑玉

墀花稍積簷鳥雙飛還凝薰空錦衾游塵集綺絃馳波
豈盡意浮雲難結言所恨千里遙所望一水間

歲暮述懷十首

週年物色慘淒淒羈念殷憶桂蒼山曲送鴈碧江濱臺
迴飛殘雪池寒落暮雲微我無卮酒愁思方氤氲

其二

高軒臨皓月故人隔清罇披衣重延佇撫景益思存天
長夕飈急庭荒寒鳥喧安得一攜手心期共復論

其三

離居苦遙夜客思渺難裁清琴屢罷緒素杵尚餘哀猿
鳴山月靜鶴舞澗陰開側佇一邱想胡為雙鬢催

其四

崇情系淵邱遠跡愧朝闕自子結華綬於今垂素髮風
樹斂寒臯霜鐘流哀月乘此菽蕭悲彌傷芝蕙歇

其五

徂陰日云邁落景復相催候蟲鳴夜急思鳥吟風哀蓬

扉涼以闐桂尊愁不開徒積崑邱想玄鶴何時來

其六

薄游良易倦東方隱或同執戟豈云疲馮唐宦未工坐
閱華叢解徒悲芳歲空歎息浮雲暮奇思何由通

其七

載郁熙風暢時叙景雲蒸文明乃開泰歲蕤茲允升直
廬稍星落建禮鬱霞興伐檀誠有作日贊竟何徵

其八

振纓拂彤霞秉笏披丹霧芳旭延高掌清風流文樹乘
鴈不為多歸雲空已屢愧此懷長岑憮然起遐慕

其九

寒枝乍落牖涼風時入隙空原露氣清秋潭月華白邊
馬度漁陽悲哉倦遊客思歸歸夢作遙遙故鄉夕

其十

緱嶺非無鶴高山空有芝懷人軫幽念倚瑟動遙思披
襟步列星開軒望履綦蘭庭露久溽惠子來何遲

寺中寫懷

宴息投何處
江天雲氣秋
好花當戶映
野樹入簷浮
竹色清池合
鐘聲古殿幽
滄波漾離思
腸斷寄歸流

予嗜琴山人張子妙得古法嘗學焉而予輟響
久矣舟夜臨流對月發琴而彈之興慨命篇

伊予寡世姿由來慕邱壑長從嵇生玩假物思所託匪
盡至人理聊取逸民樂改服睽宿心久負長往諾石房
綴幽響泉蘂迎秋落沿沂開昔襟浮彈時間作滄波流

潺湲明月照灼爍想見乘風人長懷披雲鶴且以慰營魂拊心終繇邈出處焉是非俛仰笑今昨

我生

我生如浮雲飄飄無定所晨彩艷玉墀夕映晦河渚折瑤怨離居采蕭傷屈序孤墉聆禽悲長霄瞻鴈舉憂歡信迴薄年髮嗟幾許粉櫝伊可懷早見山谷處

元城書院示諸生三首

余昔慕邱園守道甘時棄弱植踐芬華介石慚貞義一

朝世網嬰來為河曲吏迨茲民務隙肅徒究經事廣除
氣暄妍衆芳聚以賁清風閒鳥雀日華搖薜荔高閣敞
雲霞游目適我志雖無兼席長頗協下惟思相與觀四
教宅德歸一致忘筌最所期反約良為懿

其二

穎川饒隆禮蜀郡富明經延熹炳對講建初蔚惇明考
績徵良史文政茂兩京惟僕佐邦君屏牘進諸生將資
坐嘯理聿忘小叩鳴歷覽古今事徒切旦暮情興德敏

有寄俎豆粢宮楹敷說究天人底彼不忘誠柔泉欣閱
坎纖柯悅觀升各懋緝熙志異嗣金玉聲

其三

文德貴修和尊足乃務全得理斯外形心成在不言於
心苟無瑕毀來安足患朝昕萃方領啟籥慮能研探古
振道綱幽尚從此宣橘柚紛為美華實惟所餐鳴鳥翔
喬林潛魚樂深淵虛牖鮮懸集崇堂芳景延將終谷口
志騁望南飛翰寄謝復我者聊永西河年

雜詩

玄駟道虛轍青旂肅盈軌時暘曜林端餘寒散巖趾乘
化皆良游登瞰春原美翩翩翔霄鸞矯翰憑雲起思慕
遺榮客曠襟有如此疇昔慨斯言風塵淹暮齒密親底
來同韡鄂邱園裏

雜詩

華節倏云逝流芳尚可憐分明婉孌日不計別離年聽
燕語簷隙看絮舞楹前匪無合歡草幽忿誰能蠲

夏日述詠四首

息機就巖藪迴駕偃蓬茨扶疎樹暖日擅藥竹動颺魚
心得楚隱琴道善鍾期孤棕戀沉景陶然命一卮

其二

榆蜩足騰仞澤雉不斲樊由來邱壑士安知軒冕尊
顏生一瓢飲揚朱三畝園方欣外形友閒披問影言

其三

湖曠渚風集林高炎靄重蓬蒿沒往徑車轍寡來蹤
隱

几聆月泉開牖眎雲峰於茲參與賜疲曳倦脩容

其四

輕風入孤幌流月泛虛絃開襟清露下搖塵翠霞前身
名久有矚江海始言旋何必安期叟得性乃長年

歲晚述懷

余從幽山桂偃仰歲再期恬娛得繕性容與閱世姿鄙
吝徒為爾好爵誰見縻玄情不凝物龍變在一時結林
抗長巒疏楹帶清漪寒深停岡雲廣澤風氣悲索居對

戢候醴酒聊自持
勗哉履貞素惆矣凋華滋

病中雜言六首

脩然秋色裏斜日下庭蘿
蓬徑無人顧空林落葉多
山光當戶映鴈影掠窓過
靜者今方適何言久卧痾

其二

東軒微雨後向夕引霞暉
綠竹陰常滿青梧葉漸稀
無端疎酒盞早已授寒衣
予本滄江客將因謝病歸

其三

自予牽世網展轉歲時侵坐惜衰蓬鬢空思返舊林蟲
鳴秋戶急月照客庭深已分愁中老愁逢病不禁

其四

經時謝朝謁因病得閒居日暗牛羊下風吹薜荔疎鄉
心候秋水晚計卜田廬近訝交能絕嵇康已著書

其五

秋風過嫋嫋白日逝悠悠坐惜金膏秘行憐石髓幽徒
聞慕方朔何自接浮邱夢入華胥國齋心定可求

其六

彈琴坐一室鍊藥對層巒
狹徑通雲氣高峯染月寒
久耽北窓卧思掛東都冠
會自排筌易何愁出世難

春暮羈懷

逐客多行役他鄉惜滯留
春逢三月楔詩擬四思愁
見日身驚遠看花淚欲流
門前衛河水朝夕自悠悠

余為郎七載自被譴命忽爾踰年五日郡齋北
望依依乃憶長孺禁閨之對子壽積戀之篇

獨何為哉耶申短述見古今之情有同焉耳
極目漳河畔雲霞千里平傷茲為謫宦頻夜夢華京犬
馬淮陽病江湖魏闕情雖微子公力猶自憶承明

其二

昔忝含香貴浮年屢已侵自期酬白壁誰道鑠黃金命
縷愁來續恩波譴去深荆南膏積癰行見鄙人心

書感

衰年自多感歲暮復驚心失計終如此窮愁底似今溪

前壓寒色浪裏流殘陰兀坐但羈影空看沙際禽

和子循春日感懷

含香署近帝城陰建禮門前柳色深星斗直宵春並覽
雲霞輦路曉同臨逢時䟽草甘泉議到處人傳水部吟
一去湘源頭半白來章直是攪予心

雨夜遣懷二首

獨坐悲時序燕臺木葉黃虛名負雲壑拙宦愧岩廊疎
檻蛩聲咽中宵雨意長清燈忽自晒白髮任馮唐

其二

目斷滄洲鴈心慵帝里塵二毛承弁颯八月授衣頻自
乏凌霄翼終傷得雨辰官曹莫謂冷文賦託閒身

秋日雜詩五首

幽居測時化節逝一何速輕葉委前墀遠郊氣已肅臨
窓啟玄玩披襟會深矚悠揚麗秋暉凝光蕩巖澳草蟲
鳴空隅悲人詠浚谷駕言泛檣楫乘流開情蓄

其二

涼風吹嘉樹萬物遺光澤嚴氣乘運流華月歸如客凝
霜無停艷違寒有來翮嘆彼往化駛感此淪歲迫修慮
時多懷滯念誰與釋固窮見天道委順自夷懌齊物遊
恬漠高翔出形役

其三

居世若浮雲飄忽無定姿滅影幾何間垂彩在一時存
此豈不懷長戚信自貽四節更代謝白日正西馳寄身
於飈塵吐嗟復何之願逐枋鳥遊不隨豐草萎攬衣步

列星極目散所思
睨彼遙漢間
會合恒有期
營營非物化
琴歌為我儀

其四

廓處乏歡
驚出門眺
長衢悲風
吹落日四
顧無行車
蹉跎失盛年
感慨獨嗟
吁況我在
樊籠六翮
不得舒撫
劒思西邁
安能守故
廬淮陰困
閭里馬生
戀邊隅桑
梓豈我志
蓬蒿非我
虞行行捨
此去去去
浮雲俱

其五

凝宵多寒氛原野日無暉涼風西北起鴻鴈東南飛予
嗟闊徽音惆悵心自悲臨霜謠河草繁盛會有時離鳥
念求匹形影獨長乖壺酒慘不御沈憂誰能開緬想眺
浮雲卒歲湮中懷

述愁

蘭省嘗牽述湘流偶放居宦微名不立用拙志應疎
婦思求室班生賦返廬懷人蓋泉響重有秣陵書

除服後九日與子循弟二首

三秋別官舍稍與身相親終恨雲林遠徒憐容鬢新江
湖一秋水鳥雀自寒榛早晚趨朝去何年隱是真

其二

與君返空谷流序往難攀纓屨惟餘淚歡娛豈照顏疎
花聊自適斜日不知還雲色何如我徘徊戀舊山

迫歲將事行役書情


倦歸機未息旅思復相催江遠驚飈度沙寒集霰來兵
戈滿關塞游宦日塵埃忽此關城暮栖栖誰為哉

歲暮述懷遥應子循之作

逡巡三仕後潦倒十年餘
投跡真成隱論交未是疎
滄江日欲暮白髮歲仍除
猶勝舟居者歸來有敝廬

答子循對雪感舊

旅食歸來心自閒
傳詩不覺有離顏
遥天雪後吳溪望
寂寂寒江無鳥還



皇甫少玄集卷七

欽定四庫全書

集部

皇甫少玄集卷八至十三

詳校官監察御史臣曹坦

中書臣劉源溥覆勘

總校官進士臣楊懋珩

校對官中書臣趙秉淵

謄錄監生臣郝朝棟

欽定四庫全書

皇甫少玄集卷八

明 皇甫湜 撰

詠懷

晴郊春眺言懷

輕舟下衛水歸來松菊叢自謂得蕭散底幾賢達風一
身脫都尉千里隨冥鴻雖謝素牘煩猶苦霜露蒙徒淹
漳浦卧羞對包山空歛驚我日邁重嗟吾道窮出門眺

平原海上朝霞紅
春色度江來
亂入吳娃宮
風光復如此
安能久樊籠
疊樹黃鳥外
一舟滄溪東
桃花且留笑
待取清尊同

雨中對酒同子循懷舊二首

何自為郎久
生涯恨轉蓬
江山邈以異
流落竟誰同
劍履春星外
雲霞畫省東
清尊各衰白
回首意無窮

二

楚北燕南郡
風烟接旅愁
霑巾初去國
落羽更分流
薄

官身何滯他鄉歲屢道因思限江渚萬里獨驚秋

夏日幽居述懷二首

終歲悅園墟長夏更餘清
褰開暢茲襟聊用娛高明
極望絕雲霏適我無悶情
四運一以遣乘化矚虛盈
萬塗諒有準鬱鬱竟何營
曳杖登崇岡行歌候友生
攜手欣良覲濁酒還復傾
忽若忘形骸誰能校身名

二

九岩多靈樹秦望有飛泉
臺尚逝云久披籍慕其言
念

當去人群返耕南山田即林事經始荷篠開雲烟疇昔
嬰華組芳歲屢徂遷悔吝徒以積志髮坐相捐常恐衝
飈激鳥路不及旋彼美淑人情緬邈誰為宣

春日懷舊

風物渾如昨令人恨自生春光忽已麗何苦病還嬰鴈
動瑤京憶花凝御苑情同懷不可覩芳醕若為傾

秋日過莊居

千家樓閣俯溪流一道銀河漾綵舟花洲源裏通仙郭

屨廊山面接平疇平疇靡迤超荒陌虎阜玲瓏望非隔
松菊歸來陶令居雲霞宛對王珉宅嗟予十載滯華臺
無復求羊問草萊行披薜荔尋雲入重寨芙蓉向水來
回看荏苒浮年度物華慘澹臨秋素棲禽半沒滬魚蹊
落葉全深采樵路君不見魚腸鑄水只殘流鶴舞市門
那辨處念此令人感廢興何況區區數遊寓回棹夷猶
未肯前傷心寂寞寒烟樹

病感二首

金史卷八
卷八
窓裏頻驚駟杯中未寤蛇神如臨不測生每苦無涯自
易寬衣帶偏難挽鏡華微禽動微感愁淚染愁花

二

彌曠心常弱沈絲髮屢凋蘭薰欲自妬瑤軫竟誰調行
藥那逢侶看花莫吐謠寒水勞飲夕風露恐先朝

七山詩

并序

客有淹頓世網思去人間者暇日讀王子年所記諸山
睠然慕之爰述幽蹤以慰遐想共詩七首貽同好覽焉

其一崑崙

崑崙乃九山相去各萬里玉樹五色光清風四面起翔
龜躍喬林潛螭蛻神沚中州非我居流想丹雲裏千歲
方逍遙來觀赤陂水

其二蓬萊

瑤空結雲邱璇基開霧觀紅葭泛溟波青鸞集浮幹吞
舟惟所運緬邈無窮岸維南有奇鶩棲息常霄漢啟圖
寄靈矚臨風發幽讚

其三方丈

嘗聞三神山乃在渤海中極目龍鳶臺瑶林鬱青葱照
石一何神可以沃芳容側思西王母翻然念相從迢遙
金池楫無假愁雲空

其四瀛州

神魚戲環淵慶雲不崇朝丹鳥繽紛翔文殊被山椒列
樹蔭仙臺華盖上名堯羲和警黑玉望舒御青瑤何事
魯陽德迴日向層霄

其五員嶠

環邱抗絕岳靈異無不有
蠶鱗霽霜雪龜圖映星斗
粟必千雲穗人多雙瞳叟
桑海迭虧盈天地相終久
自從五龍來聊可驗塵阜

其六岱輿

嫉世閱山經友道羨芳躅
靈岱怡我神尋企願拔足玉
梁亘中天金沙翳穹谷
七芝光日茂三桂華雲馥
終期躡紫苔稅駕玄流澳

其七洞庭

玉女閔靈源金堂輝楚澤窅然思其人脫履靡所惜絲
桐豈世樂雲霞為帝宅一舉凌九天流覽周八極始悟
黃石君允非青雲客

春朝對雨懷省中舊遊

山城看雨色盡省憶蘭芳春日京華遠江天離思長踈
花開獨樹新水亂寒塘遊子今何去聞鶯祇自傷

憶故園

惆悵猿啼清夜頻故園芳月幾迴新無情最是東籬菊
漫自花開不待人

寒夜侍伯氏飲偶憶茅山舊遊陳君與言長逝
十有八載矣白頭相對泫然成篇

伊予少年日客游鍾山陰乃聞三峯勝投策緬華林從
兄懷二仙方駕歷茲岑況偕禽向蹤登岳事幽尋陳生
久下世邈焉成古今清尊慨往昔涕下誰能禁玉觀時
髣髴丹崖自蕭森徒盈白首歎豈復青雲心

丙午仲春偕周山人之海上感舊作

落日泝清淺遙憐不繫舟
行隨海客往坐聽鳥聲求
物感昭蘇候心期汗漫遊
寒烟餘井邑芳樹藹津樓
予苦風塵役俄今二十秋
良辰徒屢擲幽志果誰酬
迹迹驚仍恨神山望更愁
悠哉不成寢微月下川流

幽居自憫

湖堤客舍有清樽
雨霰連空只閉門
舊事傷心渾不醉
韶華逝水豈堪論

閒適

春日與子循弟野步

雲臯霽色蕩極野春烟平江南綠無限幽意從此生暫
予謝軒冕散步殊愜情悠然涉園趣興詠期嗣聲

徙倚

徙倚軒幃暮孤村夜復迷江清寒月細山濶野雲低三
輔疲供億中朝厭鼓輦委懷天地外歲晚合休棲

園夜逢學仙者晤言

沂波挹清醕陶月襲蘭芳閑歌紫芝曲坐對白雲長泉
石交書幌苔花封藥房昔予滯京邑懷土思茫茫來
踐幽境狎鳥屢迴翔況值棲真侶玄言羽化方道以無
為貴詮非有象妨拊膺乏仙質束髮慕霞裝欣茲得遺
老脫屣謝岩廊

和子約植菊

披薜靄霞空開徑碧泉通眷此餐英適逍遙圃風雲
封初布葉露浥近分叢欲知抱甕意惟有漢陰同

和子約弟新霽閒適

中林散微雨開軒眺晚晴山原一綺麗虹日兩暉明長
槐交戶蔭新篁出水生開襟玩來藻延佇有餘清豈伊
西陵獻獨得啟予情

偶爾閒適

窅然息機事獨坐對林巒竹鳥更幽意風霞來夕寒起
看南湖月半出長松端不值求羊訪一壺聊自歡

晚興

悵望林巒返照微渚烟汀樹淨冬輝籬邊黃菊人方逸
湖上青山興不違斜月暗催漁唱起片雲遙伴鶴飛歸
近來好事相過少落盡寒霞獨掩扉

往視城南別業同子循弟作

赤嶠倦征輶滄江遂還策調笑掩竹書行吟事泉石
眠東溪樹迤邐南城陌榛蕪獨懷往堂構仍慨昔不見
禾黍秋但逢麇兔迹迢近伍胥臺市遠梅生宅遙觀經
始期歲月殊復易焚枯進深酌烟華靄將夕攜手溯歸

雲惆悵平津客

西郊隱居卽事

碧山晴靄散寒城
晚日江頭風物清
行覓溪源逢鳥下
坐臨盤石看雲生
忘言老愛書囊減
多病春催藥圃成
病僂丈人疑有道
知予萬事已無營

秋日郊行閱田林頗申考卜之懷

吾耽幽原趣經始
清川瀆鱗羽自所托
身名聊此分攜
琴登嶺月持釣亂溪雲
更欲凌西澗長隨白鹿群

山居夜坐感秋

中山涼氣至偏動長年心
伏枕清尊廢歸田白髮侵
河生雲界靜月照華門深
獨寤無由慰松風永夜吟

林居晚興

歸來滄海畔非復戀人群
獨樹晚成適疎花寒共芬
南山平入牖西澗靜流雲
且對一杯酒誰能迷世紛

田居晚興

曉來滌場後寒嶺對閒門
過客有機事山家多話言
清

風動琴策斜日暖邱樊晚得會真趣逢人恥作煩

卜築

卜築向何處閒吟在澗詩自來迷歲月直是偶心期
白鳥分磯石寒山共酒卮一行歸蓮勺那復有塵羈

山居即事

竟日長林偃居然無俗情鳥驚鸛集掌魚躍任呼名
自領巖流趣閒看草木榮遙遙白雲外時復有樵聲

雪後

江城飛雪閉門間數處輕烟霽色還卧起牆東時一望
依然高閣對寒山

東齋枕上

閒卧東窓雲遂得成然趣枕上桃花源花開不知數啼
鳥自無心何事客驚寤翩翩峰畔霞疊疊溪前樹俄頃
夢還成去盡春山路

溪上田家

移艇向郊外愛茲溪水閒洄洑宛成趣談笑坐忘還月

秀蘿軒裏風清松岸間徘徊且復去滿目空雲山

春日隱居四首

從宦蹇無成竭來務田畝悟身一虛幻萬事夫何有
昭曠始自茲逍遙盼長阜遠墟絕行塵東風搖谷口
薜荔靄清川雲霞生敞牖隱几忘吾言嗒焉喪其偶

其二

崇蘭茂北谷鮮藻榮南津摘蘭間雜佩采藻羞嘉賓
攜手登晴隴舒嘯懷先民潁陽有清波畏壘有清塵
朝陽

金定四八
卷八
爛五雲光照岩壑新且當放歌去聊用全吾真

其三

曳杖東岡陂空園時偃仰一室對虛白百慮歸靜養在
道其何從粵以無生獎往來應真侶兀傲山泉賞息林
希絕蹤扣谷成哀響高駕金門人殆庶克終鞅

其四

溪流帶喬林日出照高嶼春風豫余神新花慰延佇臨
巖眺澄雲屢見歸鴻舉拂石攜素琴就竹開清醕朝與

幽人期日夕曠何許釣艇時遡洄蒼蒼月登渚

春日閒賦

驚暉慕屢生淪華懽易失獨往終可期徒然嘆衰疾澤
徑茲翳茂林園趣非一芳雲起崇朝諸峰乘望出初泉
乍交戶新花尤映室覽物寡嬰慮幽居親道術邴生游
或似尚子願未畢寄謝山中人無使淹蕙日

園興

涉園偕我友未使孔尊虛落艷憐梅後含華悅杏初忘

懷狎戲鮪春醪春樂胥詎貽楚老惜為芳願比樗他日
於茲隱掩扉觀道書

省退偶成

往來鍾阜岸日覺沙鷗閒驅馬獨何事懷其游子顏出
城湖上寺傍舍雨中山遙見平臯色令人幾欲還

閒林

閒林歸日暮超忽歲華流江海徒牽思芳菲不解愁落
霞懸近巘微月澹中洲悵望情何已清尊強自酬

郊溪即事

西郊連草色溪岸靄初陽白雪晴江麗青天去鳥長離
群行自惜機事坐能忘惆悵春山路無人杜若芳

皇甫少玄集卷八

欽定四庫全書

皇甫少玄集卷九

明 皇甫湜 撰

贈答

贈南塘子

吾愛南塘子逸韻凌清秋蕭然丹楓暮杳矣白雲求為
憶當時驛因從安道舟相逢解裘處醉酒歌山邱更聞
結宇秀溪水茆堂幽虛幌晴花映孤林深翠浮琴鶴羨

高調雲松思遠游他時一相訪乘月泝滄流

砥柱歌贈白巖喬司馬

黃河西來聲怒號飛檣走舸千萬艘北風一夜卷聊攝
羽林雪騎平沙獵君王垂衣念南極蕭瑟寒煙蔽松栢
幾年江水思悠悠東皇忽轉淮陽宅五軍三千辭帝京
萬里關山此日行風塵坐失鳳樓影河漢空瞻紫極明
長蘆塞鴈隨仙杖驛道梅花落使旌龍關俎豆入禁蘂
鍾山氣色開皇情嬌歌妙舞盡三輔吳花晉草愁空城

蒼虬長泣後湖月行庖野食填簫笙百官延頸望牛首
匹馬帶劍歸王程火雲颯沓散赤羽萬國浩蕩秋風生
城樓日落聞吹角夜夜軍中雙淚零上元將軍日攜手
四海壯士神魂驚太原司馬久憔悴青天照耀懸秋星
蹇蹇幾汙南巡轍中流屹立排滄溟憶昨豫章煙塵起
殺氣紛紛混江紀黃袍初迎白羽扇孫許孤忠一時死
馬當山北錦帆留宮殿西看雪影秋園花半墮檀欒雨
湖笛長吹翰墨舟懷寧孤城不日得浮陰百里愁江洲

江淮豈聞一士義戰守應慙七國謀神靈顧念兩京業
風雲慘澹驚驂騶時危始知勁草節司馬獨立紆前籌
身驅數萬龍驤卒誓使天塹收歌謳長湖沙邊風夜哀
洪濤赤日徒徘徊中丞戰艦塞湖口擬金伐鼓出其後
國師西走城郭牢萬舸不敢東南驕磯頭坐費一戰力
九江旌節爭砮砮珊瑚寶玦無消息江水江花空翠翹
已見慶雲照中國惟思駿馬歸天朝當時慶圮衣冠禍
魚鱗雜襲俱英豪儒生長揖對司馬扶顛持危心獨勞

我歌砥柱落月黑古原風來慘荊棘天眷我明在公等
太陽不遭遭薄蝕時來仗義豈公意十五年前涕沾臆
彭公已去獨公在莫因坎壈凋顏色安得我公常執政
天下不復憂社稷

長安官舍對新月次韻荅宜俯

雨後延新月杯前共此身微暉不照綺清漢欲生塵自
惜行將老相看只合貧開秋思無限重感獨歸人

同林子飲包子寓歸遺林子

稍欲從吾侶風窓寒色悽蕭疎閱篇翰披豁在招提歲
月騫騰晚雲山興緒迷忽看白日落騎馬各歸棲

移居荅包子元達

浮雲下寂寞草草換新居獨樹時相得清風竟自如閑
情秋日卧佳句故人書未即捐予珮將無邱壑疎

元達詩有

亦存邱壑
意之句

齋夜贈吳子

玄宵淨寒氛奕宿絜文墀緋雲鬱壇殿清風蕩旂旗乘

煙履末位聯榻值隆知伊予閱崇禮六載迄于斯無庸
諒牽謬夙夜忝所持方冬眷餘景篤顧偶心期君子富
嘉藻蔚若瓊霞披輝輝長離翔彬彬為世儀疇昔戾孤
尚連陪愧華姿久要在不忘濡翰敷此辭

贈韓侍御謫滁州

皦皦原中日照此城闕寒登山送歸客臨塗悵盤桓借
問子何之奇服涉江干遠斥千里道飄颻冒風湍急觴
遡征雲悲歌激長瀾我馬懷曾岡佇立發哀歎忼慨無

所道贈子以加餐

二日與子木

東帶游京華與子共為客
荏苒風塵內蹭蹬見拘迫
年意苟難并山川徒易隔
淒淒感物情遲遲慕群翮
獨此青春獻歸夢滄江夕

贈金懋仁

龍瀾沚藻澤鸞柯蔚綺城
風光愁處蕩春雲望裏生
朋來悅賞晤芳醕聊共傾
覽物偕所遣含思獨易盈
盈思

平生懷中飲還自失胡然久京洛荏苒見衰疾故山山
多美幽事諒非一及爾歎芳辰值我倦遊日

贈王子詩六首王子者閩王道思也

予昔思古訓悅友存四方王子迪中和海內獨無雙傾
想積夢寐何幸婉清揚况復廁通籍從君朝建章

其二

峩峩建禮闈粲粲列宿輝顧予矯弱羽天路同奮飛出
淹道始芽持慶學不微析疑疑以瑩興言言以微

其三

惟君信英奇弱冠探群籍河東識亡書顯節徵遺策玄覽相滌除晤言忘日夕匪我獨好仁古來貴三益

其四

葉九臻會昌共覩休明世神聖放唐文損益參周制秉牘贊升猷侈爾良多藝昔陪甘泉遊今歎周南滯

其五

伊予魏郡日想子晉陵初狗跡同遷斥緣情異毀譽感

深悲難停年往志已虛拊心獨歎吒幽蘊何由祛

其六

河洛子于蕃四牡耀衢路別遽會復踈感我泣如注誰
謂源水遙宛焉不得渡匪因成文章惟以慨今故

答子循

慕邴無盈祿高疎有賜金愧非直道黜屢見不堪心時
改愁思積山深夏水陰胡能昧止足常自惜顏侵共秉
雲林好相期芝澗尋北窓明月夜孤賞寄瑤琴

答周以言縱觀海上見懷

龍郊銜澤壤鸞渚帶扶津
宗都表靈委滌納混天垠
吐圖光瑞策瀉漢福華宸
瓊輿旦始駕金波宵未淪
彷彿瑤仙騁葱龍玉樹春
飛神白雲島結思紫霞濱
康樂遊情美玄虛翰藻新
乘桴協有諾懷德謝無隣
方遺阜鄉烏聊以報秦君

春日之海上答伯兄叔弟二首

出門看柳色相送下東津
不逐春潮返長為滄海人

其二

任公不可遇，煙月轉淒迷。
今夜沙邊鳥，聊將狎遁棲。

月夜贈伯氏叔季氏山人以言

歡游美清夜，高會良在茲。
金飈薄綺櫺，鮮雲蕩華池。
涼氣發喬林，湛露零丹雘。
皎月升前隅，中庭聚其輝。
廣庭被宵彩，麗藻繽紛來。
密親既已具，蘭友相攀追。
繁音豈不奏，所樂吹塤箎。
講藝析古今，揚摧申妙辭。
相與觀暮節，薄游言旋歸。
昔悲異林鳥，今悅同條枝。
能不極歡情。

羽觴隨波揮齊願等金石皓首長不睽

歲暮贈兄弟作

流序迫徂秋寒氣滋窮谷晨雨灑蘭林層飈下原麓候
蛩戢微吟長天鴈羽肅端居乏歡悰含悽對桑竹還轅
河魏墟再落胥江木雖慰懷土心終傷逝者速我有懿
親人式如彼金玉中宵命清觴形影眷華燭臨堂發琴
奏弦歌蕩煩促願言黃髮期保此長駢服

贈王偉純

嗟予文質無所底徒然瓠落風塵裏漢宮枉妬貌豈嫌
楚湘獨竄夢猶憇竄影栖遑向湘水羈心倍覺華年駛
桃蹊狎鳥卜歸期華門羅雀還自嗤矢言石交者棄我
忽若遺金閨顯允彥嫵婉惠光儀問君來何方遙遙街
命下鸞墀奕奕檐帷顧幽藪英英輦厲照川湄伊昔彤
庭爾尚賓予也承恩侍紫宸臚墀鳳陞延多士華蓋鴻
私濫小臣比景含香悅有隣猗爾逢時奉帝綸青翰徘徊
繫江柳折芰燔枯共杯酒委翮飄蓬何所云對子含

情一回首回首重含情雲天促去旌平生意氣復誰與
一朝肝膽為爾傾蘭臺獻納追班史蓮勺歸來擬鄭生
君章次都自此別行矣相期勗令名

紫薇花行答子循

并序

叔氏虞部貽余梧亭懷舊詩未遑報章秋日散步亭隅
薇花爛目徘徊久之亭故予讀書處也昔嘗眷戀此花
為之賦有曰清風時動明月微娟悠悠我心誰與晤言
悲春華之不實絢紫閣而空傳履閒庭以載歎時徙倚

而屢遷垂貞嘉於餘藻永封殖於茲軒後予旅遊京臺
累踐華省淪飄河魏返跡弊廬顧瞻此花宛焉如昨而
予白髮被鬢淒其改容春華之句永矣悼心貞嘉餘藻
竟何徵耳因作紫薇花行以洩懷舊之思并以報叔氏
云

英菲窈窕綠窓前艷影扶疎翠屺連玉衡含照妍華夕
金風弄彩沈寥天流風逝水驚離索十載幽棲對花萼
無情羈宦却歸來有客傷秋歎榮落蘭宮桂殿鳳凰樓

帝臺仙客恣攀遊，可堪殘月鱸江夢。不奈連雲騎省愁。
言追漁父賦，歸歟寂寞蓬蒿掩弊廬。旖旎繁英重入賦，
娉娉生意最愁予。人情感物多惆悵，白髮紅顏兩相向。
東籬併就菊松姿，北山豈孤猿鶴望。青蔥摘藻記甘泉，
潘陸春華此棄捐。未忘溫室瓊瑤樹，虛擬湘源杜若篇。
答子木見懷

悵望星槎客，寥寥夕思中。胡然詠嘉樹，徒自限清風。
夜氣凌河靜，山霏上月空。蘭芳日云歇，幽意何由同。

贈陸生二首生再客京師悲慨疇曩悵然書之
伊昔攀鱗日君同北路塵那知蘭省客重對竹林人世
上何非夢愁中詎有春年華不可語驚歎欲沾巾

其二

久矣宦不達憐君隱已成相逢洛陽陌尊酒叙平生愴
此升沉迹深茲離別情從今耦耕去谷口共逃名

病中答子循

齋居無歲月獨坐聽松風問道方期損觀心屢病空雲

霞多暮色芝藥長新叢為語題詩客將無隱計同

用韻答王子道思

并序

四月維夏于役廣平王子眷言顧我徘徊棘棲悵然于
懷既至小鎮復投此篇羈人云感聊爾嗣音

漳河我往役魏郡子經行如何存下位勞此訪孤城室
邇人方遠心悲文自興瞻言想高義流落愧同聲悵矣
雲天渺悠哉月露盈奮飛良未易倍使客愁生

訪中麓子不遇二首

君行使汶上言訪慰將辭瓊樹何由覩空林不可期
芙蓉臨水淨鴻鴈度雲遲立馬看秋色離群日暮悲

其二

吾子文章伯雄才我不如經年滯簿領何日戒輶車
楓館繁飈急松齋落月虛飄零宇宙內同愧薦賢書

晚春對雨奉酬伯兄懷山之作

山扉朝自啟幽色在煙林惆望滄波隔江城春雨深
雲天虛一室花竹澹盈襟竟日違芳躅清風勞永吟

子約弟亭居琴興贈言

西山朝雨散雲氣淨蘭林何以寄幽興清風鳴玉琴窓
寒搖竹翠溪晚度花陰應誦嵇生賦扶搖達爾心

子約自云遇師有得聊以遺之

學道無成功頽齡迫憂慄結友尋靈山終年倦瑤帙相
逢海上翁翔鸞下天術至言了不煩啟籥見朝日石門
綵霧桂華新金鼎丹霞蘿月春早晚緱山乘鶴去看君
揮手謝時人

答子約弟伏枕見寄之作

滄江獨卧者不與俗情同
忘味中郎曲研玄河上風
窺臨草色徧離索桂華空
天路知非遠時時雲自通

伯兄病中叔季氏作詩訊之詞並清美予亦卧病久而成篇

羨爾北窓今息機長松虛幌還相依
良辰寂寞在何許帝子瀟湘悵有違
却笑微軀縈吏隱獨憐叢桂自芳菲
文園多病才應減況復瓊章和者稀

贈范叟

君家住在靈巖村直取衆山為四藩籬上野藤侵石壁
峰頭澗水到柴門日高但愛藜牀穩老至不知軒冕尊
數杯竹下攜將客一味花前割與孫生涯樵采兼耕鑿
虛室琴書對芝藥心同逝水壺致柔氣合澄雲只棲漠
鈎箴縱下不取魚井稅漸輸初到郭鴻濛笑識無懷天
叟鏢行歌有生樂少小知君三十年真隱逃名仍學仙
逢君帶索語未畢顧我長纓私自憐明月一生照懷抱

清溪幾處隔林泉朝來祇恐移家去就而不見空雲煙

贈滁陽程逸人三首

秋空雲盡照溪清一棹蕭然物外情却粒幾年還羽化
也知君是褚先生

其二

策馬勤王泗上秋滁南千嶺夾城樓十年萍跡殘宵夢
惆悵逢君話舊遊

其三

安道攜琴初入吳小山遙對白雲孤梁溪盡處烟波濶
好逐秋風下五湖

贈子約弟誕席

鳴鳥在穹谷戢耀有餘輝懷抱清廟器孰謂知音稀予
返大河役聿來掩園扉夙夜共荼苦形影常相依黽勉
從外除心事何多違歲月易遷斥復見秋鴻飛發觴意
眷眷臨堂念微微感爾年髮盛傷我顏志非曾是佇騰
騫寤寐如渴飢

贈湛公

湛公無一事日與白雲期
幽獨心常寂巖林老不知
竭來觀法後愛得起予時
早晚中峯去簪纓無用為

冬日遙贈竹堂僧

扁舟狎浪去人群七十峯
巖渺渺分舉首溪頭遙不見
隔湖空自望寒雲

懷答姜玄仲

春嶼雲難盡亭亭谷口生
崇朝江閣望一軫索居情
念

別顏頻換論交迹未并滄波遙可即寄取玉琴聲

答徐紹卿

徐子文章彥論交夙所稀金庭攀羽駕一往歲華非莫
以浮踪異相看心事違雲門棲賞處回首淚霑衣

贈清源主人三首

綠水前溪樹影蒼夜來銀漢下微涼主人笑擁盧姬出
共醉新城秋月光

其二

齊東少年騮馬肥春客金陵秋後歸醉向花前翻舞袖
紛紛香入坐人衣

其三

斜燭微微隱絳裙蛾眉曼臉逐行雲相逢瞥若陽臺女
腸斷烏啼夜正分

伯氏誕席贈言

我行沂江渚言旋輒三齡及爾歡愛俱曾未違戶庭回
憶平生遊惆悵人事改依依東岡陂蕭然敞廬在馬生

歲月晚明世豈見遺適來通侯貴萬里揚旌麾摧藏桑
樞時塵埃滿人面丈夫苟未遇慷慨何由見柳條劇含
烟散作谷口春介壽登君堂絲竹娛衆賓先達亦奚為
青雲去人近空歌白石寒終慙密山隱三月四月交薄
言客長安興酣忘視夜北斗從闌干

贈答朱駕部

無受難可禦有道易不渝曰予本拙訥擬足昧良圖充
役肅時命省已畏空虛駛節亮流易軒冕坐自拘哲彥

貽燕婉克與微尚俱逍遙玩來篇益使衆慮祛英雲垂
鮮藻清風灑庭隅游目鄧尉林投分澄湖居夙心託峻
址瞻途竟踟躕今幸休明會方駕來皇衢聲同氣必應
理協懽有餘且願從所好處順希衛蘧

夏日飲陳約之編修寓同田希古儀制唐應德
編修施子羽秀才贈陳一首

索居迫長夏崇情結蘭林之子阻良覲遙遙睇西岑晨
興理幽駕乘日歡追尋伊人諒霞舉蔚若開予襟來臻

值衆彥春茲偕賞心陳席俯閑曠列樹蔭森沉軒幌佇
流飈雲日延清陰連翩發嘉藻灼爚御鳴琴方年及比
景疊疊頽思侵疲足駸文駟愧慕能不深

皇甫少玄集卷九